

Belinus
Deus.

Trinovantum quibus ille presuit, non dixero. Apollo cum lyra in altera parte, & CVNOBELIN, in mentem revocant, quod alibi de Belino Deo observarim; scilicet, Gallos priscos Apollinem sub Belini nomine coluisse: idque Dioscoridem comprobare, cum Herbam Appollinarem qua Galli sagittas inungere soliti, Gallica lingua Belinuntiam appellari disertè scribat. Vt quodammodo hinc ausim conjectare nomen Cunobelini, uti & Cassibelini ex Apollinis cultu deductum, perinde ac Phœbitii & Delphidii. Si non potius, ut Apollo ob capillos flavos Græcis *Ξαυδός*, Latinis Flavus dictus, sic & Belin Britannis & Gallis. Qui enim flavus Britannicè in orationis contextu Melin, Belin, & Felin dicitur, & eadem de causa Belinus ille Priscus, Cunobelinus, & Cassibelinus, qui etiam Cassivelaunus; quasi principes flavi videantur appellati. Cuno enim nomen esse dignitatis fatentur Britanni, quodque precipuum, & principale Cynoc hodiè dicunt. Certè nomen fuisse honorarium, Cungetorix, Cunobelinus, Cuneglasus, Cuneda, & Cunedagius, principum nomina apud Britanos, uti Cyngetorix Convictolitanus, Conetodunus, apud priscos Gallos quodammodo comprobant. Nec me latet Gildam Cuneglasum, Lanionem fulvum, vel furvum Latine convertisse, quem alii Principem caruleum, sive vitrei coloris, ut Cuneda Principem Bonum sunt interpretati. Germanorum *König* & nostrum Kinge pro Rege à Cuno profluxisse nondum ausim suspicari. Sit satis hæc variè conjectando luisse ne aliorum irrisione etiam ipse ludar.

Cuno.

CALLE, à CALLENÆ celeberrimæ urbis nomine non abludit.



Duodecimum Caput habet alatum cum dictione ATEVLA, in parte aversa Leonem, & inscriptionem VLATOS. Quid sibi velint hæ dictiones frustra quaero. Hac eadem autem effigie Romanorum nummis Deam Victoriæ expressam vidi. Victoriæ tamen ATEVLA Britannicè dici nondum comperi, ANDATEM verò illos victoriæ vocasse ex Dione jam dixi, quæ an fuerit AN-DARTA à Vocontis in Gallia culta, alius dixerit.



Species hic etiam XIII cum dictione DIAS in pentagono & Equo in averso.



XIII cum porco inscriptum VANO.C & Dea capite, fortè Veneris vel Venutii, de quo Tacitus.



XV cum capite galeato, & DVRNACO; qui nescio an fuerit Dumnaeus Andium Princeps cujus Cæsar meminit.



XVI Cum equo & ORCETI.



XVII cum effigie Augusti, & TASCIA, tauro corrupta, in aversa.




Octavum cum equo Essedario rota subjecta, & BODVO in altera parte, gentis Bodunorum videatur, vel Bodicia Regina, quæ Voadicia, & Bunduica variè vocatur.



Nonum in quo Equestris figura cum hasta & clypeo, & dispersis literis CÆRATIC. bellicosi illius Caratæ, cujus laudes prædicat Tacitus, judicarim.



Decimum, cujus altera parte sub Equite inscribitur REX, in altera COM. Comii fuisse Atrebatensis cujus meminit Cæsar, cum nonnullis lubet opinari.



Undecimum quod præ se fert semilunulam cum REX Britannia.